



Tel. 986 76 84 09
Fax 986 76 84 11

C O N C E L L O
D E
FORNELOS DE MONTES
(PONTEVEDRA)

PROVINCIA DE PONTEVEDRA
CONCELLO DE FORNELOS DE MONTES

(04/17)

**ACTA DA SESIÓN ORDINARIA DO PLENO DO CONCELLO DE DATA
VINTE E NOVE DE XUÑO DE DOUS MIL DEZASETE**

En Fornelos de Montes, a vinte e nove de xuño de dous mil dezasete, sendo as nove horas, e previa convocatoria para os efectos, reuníronse no salón de sesións da casa consistorial, presididos polo Sr. alcalde D. Emiliano Lage Rodríguez, os concelleiros D.Serafín A. Martínez Martínez, D. Alfonso Ventín Estévez, D. Alfredo Míguez Martínez, D. José Da Silva Vidal, Dª Gloria Piñeiro Avión, D. Juan Manuel Batista Oviedo, D. José Luis Pazo Orge e D. José Antonio Freaza Pérez, coa asistencia do secretario da corporación D. José Mª Santaló Rodríguez, para celebrar sesión ordinaria do pleno da corporación municipal en primeira convocatoria.

Aberta a sesión pública polo Sr. alcalde, se adoptaron os seguintes acordos:

1.- APROBACIÓN DA ACTA DA SESIÓN ANTERIOR.- O Sr. alcalde, consonte ó sinalado no artigo 91 do Regulamento de organización funcionamento e réxime xurídico das entidades locais pregunta ós asistentes si teñen algunha matización ou aclaración que facer á acta da sesión de data vinte e sete de abril de dous mil dezasete, distribuída xunto coa convocatoria. Ao non intervir ningúén considérase aprobada.

2.- RESOLUCIÓNS DA ALCALDÍA.- De seguido dáse conta das resolucións adoptadas pola Alcaldía desde a sesión ordinaria do pleno celebrada o 27 de abril de 2017.

D. José Antonio Freaza Pérez pregunta ao alcalde de que se trata o expediente sancionador por parte da dirección xeral do patrimonio cultural que recae na súa persoa e a que cantidade económica se refire , polas obras realizadas en Vilán. Respóndelle o Sr. alcalde que se trata dunha reposición de muro que non se adaptou á licenza outorgada e sancionaron á interesada, e tamén ao concello, con 300,00 euros, por non pedir autorización a Patrimonio antes de conceder a licenza.

**3.- COMUNICACIÓN DE EXECUCIÓN TRIMESTRAL DO
ORZAMENTO MUNICIPAL CORRESPONDENTE AO 1º TRIMESTRE DE
2017.**- Dáse conta a corporación do contido da comunicación sobre execución trimestral do orzamento municipal enviada ao Ministerio de Hacienda y Administraciones Públicas, Secretaría General de Coordinación Autonómica y Local, en relación co 1º trimestre de 2017, non producíndose ningunha intervención.

**4.- COMUNICACIÓN DO PERÍODO MEDIO DE PAGO DO CONCELLO
DE FORNELOS DE MONTES CORRESPONDENTE AO 1º TRIM. 2017.**- Dáse



Tel. 986 76 84 09
Fax 986 76 84 11

C O N C E L L O
D E
FORNELOS DE MONTES
(PONTEVEDRA)

conta a corporación do contido da comunicación do período medio de pago a proveedores do Concello de Fornelos de Montes correspondente ao 1º trimestre de 2017 enviada ao Ministerio de Hacienda y Administraciones Públicas, Secretaría General de Coordinación Autonómica y Local, non producíndose ningunha intervención.

5.- ORDENANZA MUNICIPAL PARA A PROTECCIÓN E CONSERVACIÓN DOS CAMIÑOS E VÍAS PÚBLICAS MUNICIPAIS EN RELACIÓN COAS OPERACIÓNS DE SACA DE MADEIRA.- Examinado o expediente de aprobación da Ordenanza municipal para a protección e conservación dos camiños e vías públicas municipais en relación coas operacíons de saca de madeira, e atendido que a corporación ten potestade para ditar ordenanzas e regulamentos en materia da súa competencia e que a ordenanza obxecto deste expediente cumpre coa legalidade vixente e coa finalidade que se pretende de regular as cortas e sacas de madeira facendo compatible a liberdade de empresa e o desenvolvemento e explotación do sector forestal, coa preservación do medio natural, a conservación dos camiños e pistas municipais e a seguridade viaria, o Pleno do concello a proposta da Alcaldía, adopta por unanimidade o seguinte acordo:

"PRIMEIRO.- Aprobar inicialmente a Ordenanza municipal para a protección e conservación dos camiños e vías públicas municipais en relación coas operacíons de saca de madeira.

SEGUNDO.- Expoñela a información pública e audiencia ós interesados polo prazo de trinta días hábiles para os efectos de reclamacións e suxestións, que de producirse deberán ser resoltas pola corporación. De non producirse estas a Ordenanza considerarase aprobada definitivamente."

6.- MOCIÓN DE URXENCIA: De seguido, ó abeiro do artigo 91-4 do Regulamento de organización, funcionamento e réxime xurídico das entidades locais, o Sr. alcalde pregunta se algún grupo político desexa someter á consideración do pleno, por razóns de urxencia, algún asunto non comprendido na orde do día, non presentándose ningunha:

7.- ROGOS PREGUNTAS E INTERPELACIÓN.- De seguido, abriuse a rolda de rogos, preguntas e interpelacións, presentando D. José Antonio Freaza Pérez as seguintes:

"Dar publicidade as ofertas de traballo no Concello: Como sempre segue co oscurantismo e sen ningunha publicidade as ofertas de traballo que saen de aquí do Concello.

Baños da Praia fluvial pechados xa en época estival.

Arranxo de camiño en Traspieblas: E bastante vergonzoso o que sufren os veciños de Traspieblas para acceder as súas casas a través do camiño municipal "do Eirado", a día de hoxe é inconcebible que veciños de este Concello non teñan garantido un acceso digno as súas vivendas. Hai máis exemplos por todo o Concello ... Despois dependendo de quien sexa a casa....facemos autopistas!

Falta de Pediatra no mes de Agosto: Faga as xestións oportunas para que no



Tel. 986 76 84 09
Fax 986 76 84 11

C O N C E L L O

D E

FORNELOS DE MONTES

(PONTEVEDRA)

mes de Agosto estea cuberta a praza de Pediatra no centro de saúde, e non coma todos os anos os pais e nais deste Concello estean sen o servizo de pediatría para os seus fillos.

Limpeza dos contedores de lixo: Xa é a enésima vez que lle volvo a reiterar a necesaria limpeza que necesitan os contedores de todo o Concello. O seu cheiro acentúase en esta época do ano sobre todo. Isto leva consigo un estado de malestar e posibles proliferacións de insectos e roedores.

O Sr. alcalde facilitalle as seguintes respuestas:

Non se a que se refire co do oscurantismo, a publicidade é suficiente, á contratación da brigada contra o lume presentaronse vinte persoas e a de auxiliar administrativa de servizos sociais dez. O resto, conforme as bases reguladoras da Xunta ou Deputación, pídense á Oficina de Emprego de Redondela, e o INEM envía dous por praza.

Os baños da praia non se poden abrir ata que rematen as obras de mellora. Non de podían iniciar as obras antes porque aquí cumprense os prazos.

Os camiños municipais fanse todos, se ai diñeiro, se se refiren as estradas da Deputación dígallo ala.

Lavamos os contedores cando podemos, os próximos a miña casa lavámoslos nos.

Temos unha entrevista pedida desde fai catro meses co Conselleiro de Sanidade, cando nos reciba dirémosllo, pero non é cousa do Concello.

O portavoz do PSdeG-PSOE, D. Serafín A. Martínez Martínez di que o problema de fondo non é que non substitúan ao pediatra en agosto, seno que quiten pediatría de Fornelos, e de todo o rural, e unifiquen o servizo en Redondela, por iso a entrevista.

E, ó non haber outros asuntos de que tratar, o Sr. alcalde declarou finalizado o acto e a sesión rematou sendo as nove horas e dez minutos do mesmo día expresado ó comezo, de todo o cal eu, o secretario, dou fe.

O ALCALDE

O SECRETARIO

